

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 3., a u vezi sa članom 2. stav (2) i članom 5. Zakona o proglašenju žalosti u Kantonu Sarajevo ("Službene novine Kantona Sarajevo", broj 26/08, 36/15 i 40/17), na prijedlog premijera, uz konsultacije predsjedavajućeg i zamjenika predsjedavajućeg Skupštine Kantona, Vlada Kantona Sarajevo, na 28. sjednici održanoj 28.09.2023. godine, donijela je

ODLUKU

O PROGLAŠAVANJU 5. MAJA DANOM ŽALOSTI NA PODRUČJU KANTONA SARAJEVO

I

Vlada Kantona Sarajevo proglašava 5. maj danom žalosti u Kantonu Sarajevo - trajno, a kao dan sjećanja na ubijenu djecu Sarajeva.

II

Žalost u Kantonu Sarajevo izražava se isticanjem zastave Kantona na pola koplja, u skladu sa Zakonom o upotrebi grba i zastave Kantona Sarajevo, minutom šutnje na radnim i drugim skupovima, održavanjem komemorativnih sjednica, upisivanjem u knjigu žalosti, kao i drugim načinom izražavanja žalosti prikladnim za određeni događaj, povodom kojeg se proglašava žalost.

III

Na dan žalosti u Kantonu Sarajevo, odlažu se javne manifestacije zabavnog karaktera.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-41623-36/23
28. septembra 2023. godine
Sarajevo

Po ovlaštenju premijera
Ministar
Zlatko Mijatović, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 6. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21 i 13/22), Vlada Kantona Sarajevo, na 28. sjednici održanoj 28.09.2023. godine, donijela je

ODLUKU

O PRIHVATANJU MOLBE ZA FINANSIJSKU PODRŠKU MANIFESTACIJI "DANI POBJEDE - DANI PONOSA" - VLAŠIĆ 2023

I

Prihvata se molba Udruženja "TRI JEDAN DVA" iz Travnika za finansijsku podršku manifestaciji "Dani pobjede, dani ponosa" - Vlašić 2023, u iznosu od 30.000,00 KM (tridesethiljadakonvertibilnih maraka).

II

Sredstva iz tačke I ove odluke obezbijedit će se preraspodjelom sa razdjela Ministarstva za boračka pitanja Kantona Sarajevo u iznosu od 10.000,00 KM (deset hiljada konvertibilnih maraka), Ministarstva unutrašnjih poslova Kantona Sarajevo u iznosu od 5.000,00 KM (pet hiljada konvertibilnih maraka), Ministarstva za odgoj i obrazovanje Kantona Sarajevo u iznosu od 5.000,00 KM

(pethiljadakonvertibilnihmaraka) i Ministarstva privrede Kantona Sarajevo u iznosu od 10.000,00 KM (desethiljadakonvertibilnih maraka) na razdjel Kabineta premijera Kantona Sarajevo.

III

Ovlašćuje se šef Kabineta premijera Kantona Sarajevo da zaključi sporazum o sufinansiranju organizacije manifestacije "Dani pobjede, dani ponosa" - Vlašić 2023 i daje se saglasnost Kabinetu premijera Kantona Sarajevo za isplatu iznosa iz tačke I ove odluke.

IV

Za realizaciju ovog zaključka zadužuju se Ministarstvo za boračka pitanja Kantona Sarajevo. Ministarstvo unutrašnjih poslova Kantona Sarajevo, Ministarstvo za odgoj i obrazovanje Kantona Sarajevo, Ministarstvo privrede Kantona Sarajevo, Ministarstvo finansija Kantona Sarajevo i Kabinet premijera Kantona Sarajevo, svako u okviru svojih nadležnosti.

V

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-41623-53/23
28. septembra 2023. godine
Sarajevo

Po ovlaštenju premijera
Ministar
Zlatko Mijatović, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa Zaključkom Vlade Kantona Sarajevo, broj 02-04-51323-71/22 od 29.12.2022. godine, Vlada Kantona Sarajevo, na 28. sjednici održanoj 28.09.2023. godine, donijela je

ODLUKU

O DAVANJU SAGLASNOSTI MINISTARSTVU ZA ODGOJ I OBRAZOVANJE KANTONA SARAJEVO ZA POPUNU UPRAŽNJENOG RADNOG MJESTA

I

Daje se saglasnost Ministarstvu za odgoj i obrazovanje Kantona Sarajevo da, u skladu sa Pravilnikom o unutrašnjoj organizaciji Ministarstva za odgoj i obrazovanje Kantona Sarajevo, broj 11/01-02-20607/21 od 06.05.2021. godine i važećim zakonskim propisima, izvrši popunu upražnjenog radnog mjesta na neodređeno vrijeme, i to:

- Stručni savjetnik za edukaciju i prevenciju iz oblasti provođenja propisa iz bezbjednosti saobraćaja - jedan (1) izvršilac.

II

Za realizaciju ove odluke zadužuje se Ministarstvo za odgoj i obrazovanje Kantona Sarajevo.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-41623-62/23
28. septembra 2023. godine
Sarajevo

Po ovlaštenju premijera
Ministar
Zlatko Mijatović, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 14. stav (3) Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj 15/23),